

Broj: 02C-3673-11/26

Sarajevo, 21.05.2026. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku, broj: 02C-3673-9/26 od 19.05.2026. godine, u postupku javne nabavke roba - **Svjetiljke, JN-51/26**, direktor Javne ustanove Opća bolnica „Prim. dr. Abdulah Nakaš“, je donio

ODLUKU
o izboru najpovoljnijeg ponuđača
za LOT-ove: 1 i 2

Član 1.

Prihvata se Preporuka Komisije za nabavku, broj: 02C-3673-9/26 od 19.05.2026. godine, za javnu nabavku roba – **Svjetiljke**, da se Okvirni sporazum za nabavku roba dodijeli ponuđaču **4E GROUP d.o.o.**, ponuda dostavljena dana 12.05.2026. godine, za ponudenu cijenu za lotove kako slijedi:

1. **LOT 1 – Nadgradna vodotijesna LED svjetiljka** - 10.999,98 KM bez uračunatog PDV-a, odnosno 12.869,98 KM sa uračunatim PDV-om kao jedinom i prihvatljivom ponuđaču na dvogodišnjem nivou.
2. **LOT 2 – Svjetiljka otporna na eksploziju** - 1.000,00 KM bez uračunatog PDV-a, odnosno 1.170,00 KM sa uračunatim PDV-om kao jedinom i prihvatljivom ponuđaču na dvogodišnjem nivou.

Član 2.

Postupak iz člana 1. ove Odluke proveden je metodom konkurentski zahtjev za dostavu ponuda, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

Član 3.

Nakon prijema i evaluacije ponuda konstatovano je da je ponudu za predmetnu nabavku za **LOT-ove: 1 i 2** dostavio 1 (jedan) kvalifikovani ponuđač i to **4E GROUP d.o.o.** U skladu sa članom 3.stav (3) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22 i 50/24).

U predmetnom postupku nije bilo nekvalifikovanih ponuđača.

Član 4.

Izabrani ponuđač za **LOT-ove: 1 i 2 - 4E GROUP d.o.o.** oslobađa se obaveze da dostavi originale ili ovjerene kopije dokumentacije iz člana 45. Zakona o javnim nabavkama, obzirom da je iste dostavio uz ponudu.

Član 5.

Prijedlog Okvirnog sporazuma za **LOT-ove: 1 i 2** dostavlja se na potpis izabranom ponuđaču uz Odluku o izboru najpovoljnijeg ponuđača.

Član 6.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) i članom 71. stav (2) Zakona o javnim nabavkama.

Obrazloženje

Postupak javne nabavke sproveden je putem konkurentskog zahtjeva za dostavu ponuda, broj tendera **JN-51/26**, a isti je pokrenut Odlukom o pokretanju postupka javne nabavke, broj: 02C-3673-1/26 od 13.04.2026. godine.

Komisija za nabavku, imenovana je Rješenjem broj: 02C-3673-2/26 od 13.04.2026. godine. Procijenjena vrijednost javne nabavke iznosi **12.000,00 KM** bez uračunatog PDV-a, odnosno po lotovima:

1. **LOT 1 – Nadgradna vodotijesna LED svjetiljka11.000,00 KM**
2. **LOT 2 – Svjetiljka otporna na eksploziju1.000,00 KM**

Komisija za predmetnu javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 02C-3673-8/26 od 19.05.2026. godine, Preporuku o izboru najpovoljnijeg ponuđača broj: 02C-3673-9/26 od 19.05.2026. godine i Izvještaj o radu broj: 02C-3673-10/26 od 19.05.2026. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno da je u predmetnom postupku blagovremeno primljena jedna ponuda i da nije bilo neblagovremeno primljenih ponuda.

Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

- Ponuda ponuđača **4E GROUP d.o.o.** za **LOT 1 i LOT 2** je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine (“Službeni glasnik BiH” broj 39/14, 59/22 i 50/24).
- Ponuđač je u svojoj ponudi dostavio dokaze iz člana 45. stav (1) tačke od a) do d) Zakona.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:
Melisa Mehić, BA prava
Službenik za javne nabavke

Kontrolisala:
Aldijana Ećo Ajkunić, BA prava
Šef Odsjeka za javne nabavke



DIREKTOR

Prof. dr. Ismet Gavrankapetanović

Dostaviti:

- **4E GROUP d.o.o.; Ramiza Salčina 91, 71 000 Sarajevo**
- Odsjek za javne nabavke
- Odjeljenje za tehničke poslove i investicije
- Odjeljenje za ekonomsko-finansijske poslove